

Agenda – Y Cyfarfod Llawn

Lleoliad y cyfarfod:

Y Siambr – Y Senedd/ Zoom

Dyddiad y cyfarfod:

Dydd Mercher, 16 Medi 2020

Amser y cyfarfod: 13.30

288(v5)

Cynhaliwyd y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

Ar ôl ymgynghori â'r Pwyllgor Busnes, penderfynodd y Llywydd bod Aelodau, yn unol â Rheol Sefydlog 34.14A–D, yn gallu pleidleisio o unrhyw leoliad drwy ddulliau electronig.

Dywedodd y Llywydd hefyd, yn unol â Rheol Sefydlog 34.15, fod y cyhoedd wedi cael eu gwahardd rhag bod yn bresennol yn y Cyfarfod Llawn hwn, fel sy'n ofynnol er mwyn amddiffyn iechyd y cyhoedd. Byddai'r cyfarfod yn parhau i gael ei ddarlledu'n fyw a byddai cofnod o'r trafodion yn cael ei gyhoeddi yn y ffordd arferol.

1 Cwestiynau i Weinidog yr Amgylchedd, Ynni a Materion Gwledig

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl Cwestiwn 2.

[Gweld y Cwestiynau](#)

2 Cwestiynau i'r Gweinidog Tai a Llywodraeth Leol

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl Cwestiwn 2.

[Gweld y Cwestiynau](#)



Senedd Cymru
Welsh Parliament

**3 Datganiad gan y Gweinidog Iechyd a Gwasanaethau Cymdeithasol
– Cyfyngiadau coronafeirws lleol ym Mwdeistref Caerffili a
Rhondda Cynon Taf**

(45 munud)

4 Cwestiynau Amserol

(0 munud)

Ni dderbynniwyd unrhyw Gwestiynau Amserol.

5 Datganiadau 90 Eiliad

(5 munud)

**6 Cynnig o dan Reol Sefydlog 10.5 i benodi Cadeirydd Swyddfa
Archwilio Cymru**

(5 munud)

NDM7374 [Llyr Gruffydd \(Gogledd Cymru\)](#)

Cynnig bod y Senedd, yn unol â pharagraff 5(1) o Atodlen 1 i Ddeddf Archwilio Cyhoeddus (Cymru) 2013, ac o dan Reol Sefydlog 10.5:

Yn penodi Lindsay Foyster yn Gadeirydd Swyddfa Archwilio Cymru o 17 Hydref 2020 tan 15 Mawrth 2023.

Noder: [Gosodwyd](#) adroddiad y Pwyllgor Cyllid ar Benodi Cadeirydd ac Aelodau Anweithredol Swyddfa Archwilio Cymru yn y Swyddfa Gyflwyno ar 9 Medi 2020.

[Deddf Archwilio Cyhoeddus \(Cymru\) 2013](#)

**7 Cynnig i sefydlu pwyllgor o dan Reol Sefydlog 16.3: Pwyllgor y
Llywydd – TYNNWYD YN ÔL**

(5 munud)

NDM7375 [Elin Jones \(Ceredigion\)](#)

Cynnig bod y Senedd, yn unol â Rheol Sefydlog 16.3:

yn sefydlu Pwyllgor y Llywydd i gyflawni'r swyddogaethau a nodir yn Rheol Sefydlog 18B.2.

8 Dadl ar adroddiad y Pwyllgor Cydraddoldeb, Llywodraeth Leol a Chymunedau: Budd-daliadau yng Nghymru – opsiynau i'w cyflawni'n well

(60 munud)

NDM7373 [John Griffiths \(Dwyrain Casnewydd\)](#)

Cynnig bod y Senedd:

Yn nodi adroddiad y Pwyllgor Cydraddoldeb, Llywodraeth Leol a Chymunedau, 'Budd-daliadau yng Nghymru – opsiynau i'w cyflawni'n well', a [osodwyd](#) yn y Swyddfa Gyflwyno ar 24 Hydref 2019.

Noder: Gosodwyd ymatebion Llywodraeth Cymru yn y Swyddfa Gyflwyno ar [6 Rhagfyr 2019](#) a [9 Medi 2020](#).

9 Dadl y Ceidwadwyr Cymreig – Mesurau i Atal COVID-19

(60 munud)

NDM7376 [Darren Millar \(Gorllewin Clwyd\)](#)

Cynnig bod y Senedd:

Yn galw ar Lywodraeth Cymru i:

a) ymestyn y defnydd gorfodol o orchuddion wyneb i gynnwys meysydd awyr, siopau, archfarchnadoedd, canolfannau siopa, ysbytai a lleoliadau gofal iechyd eraill;

b) defnyddio cyfyngiadau coronafeirws lleol mewn ymateb i gynnydd sylweddol mewn cyfraddau heintio Covid-19 mewn modd cymesur er mwyn osgoi gosod cyfyngiadau symud llawn ar Gymru gyfan;

c) ei gwneud yn ofynnol i bob teithiwr sy'n dod i mewn i Gymru o dramor gael prawf Covid-19 wrth gyrraedd Maes Awyr Caerdydd.

Cyflwynwyd y gwelliannau a ganlyn:

Gwelliant 1 [Rebecca Evans \(Gwyr\)](#)

Dileu is-bwynt (a).

Gwelliant 2 [Sian Gwenllian \(Arfon\)](#)

Dileu is-bwynt (c) a rhoi yn ei le:

'Yn galw ar Lywodraeth Cymru i adolygu effeithiolrwydd mesurau i gynnwys lledaeniad COVID-19 mewn perthynas â theithio rhyngwladol hyd yma ac i weithredu unrhyw wersi a ddysgwyd.'

[Os derbynnir Gwelliant 2, bydd Gwelliant 2 yn cael ei ddad-ddethol]

Gwelliant 3 [Rebecca Evans \(Gwyr\)](#)

Dileu is-bwynt (c) a rhoi yn ei le 'profi pobl sy'n dychwelyd i Gymru o wledydd nad ydynt wedi'u heithrio sydd â chyfraddau uwch o COVID-19 na Chymru, yn unol â'r cyngor cyfredol gan y Grŵp Cyngor Technegol'.

[Technical Advisory Group: statement on testing travellers returning to Wales from areas of high prevalence \(Saesneg yn unig\):](#)

Gwelliant 4 [Caroline Jones \(Gorllewin De Cymru\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i sicrhau llety i alluogi teithwyr a'r rhai nad oes ganddynt y cyfleusterau i fod dan gwarant in ar eu pen eu hunain.

Gwelliant 5 [Sian Gwenllian \(Arfon\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i wneud gorchuddion wyneb yn orfodol mewn ardaloedd cymunedol mewn lleoliadau addysg penodol.

Gwelliant 6 [Sian Gwenllian \(Arfon\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i gyflwyno cynllun COVID-19 newydd i Gymru i ddarparu dull cyfannol o ymdrin â'r pandemig yn ystod y cyfnod nesaf.

Gwelliant 7 [Sian Gwenllian \(Arfon\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i fynd i'r afael ar frys â phroblemau yn y drefn brofi bresennol ac i weithio tuag at gyflwyno profion dyddiol torfol.

Gwelliant 8 [Sian Gwenllian \(Arfon\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i archwilio'r syniad o ddefnyddio 'cyfyngiadau symud clyfar' wrth ymateb i glystyrau lleol, gan ddefnyddio cyfyngiadau mewn ardaloedd mor lleol â phosibl.

10 Dadl Plaid Brexit – Bil Marchnad Fewnol y Deyrnas Unedig

(60 munud)

NDM7372 [Mark Reckless \(Dwyrain De Cymru\)](#)

Cynnig bod y Senedd:

Yn croesawu Bil Marchnad Fewnol y Deyrnas Unedig.

[Bil Marchnad Fewnol y Deyrnas Unedig](#) (Saesneg yn unig)

Cyflwynwyd y gwelliannau a ganlyn:

Gwelliant 1 [Neil Hamilton \(Canolbarth a Gorllewin Cymru\)](#)

Dileu popeth a rhoi yn ei le:

Yn croesawu rhai rhannau o Fil Marchnad Fewnol y Deyrnas Unedig sy'n dychwelyd, yn briodol, bwerau pwysig o'r UE i'r DU.

[Os derbynnir Gwelliant 1, bydd Gwelliannau 2 a 3 yn cael ei ddad-ddethol]

Gwelliant 2 [Rebecca Evans \(Gwyr\)](#)

Dileu popeth a rhoi yn ei le:

Cynnig bod y Senedd:

Yn credu bod Bil y Farchnad Fewnol, Llywodraeth y DU gyfystyr ag ymosodiad ar y setliad datganoli a fyddai, pe bai'n cael ei ddeddfu, yn tanseilio pwerau'r Senedd i ddiogelu a hyrwyddo buddiannau pobl Cymru.

[Os derbynnir Gwelliant 2, bydd Gwelliant 3 yn cael ei ddad-ddethol]

Gwelliant 3 [Sian Gwenllian \(Arfon\)](#)

Dileu popeth a rhoi yn ei le:

Cynnig bod y Senedd yn cytuno bod Bil Marchnad Fewnol Llywodraeth y DU yn ymosodiad uniongyrchol ar genedligrwydd a democratiaeth yng Nghymru.

Gwelliant 4 [Neil Hamilton \(Canolbarth a Gorllewin Cymru\)](#)

Ychwanegu pwynt newydd at ddiwedd y cynnig:

Yn gresynu at y rhannau hynny o Fil Marchnad Fewnol y Deyrnas Unedig sy'n cynnig datganoli pwerau ymhellach i'r Senedd a Llywodraeth Cymru oherwydd, ar sail tystiolaeth yr 20 mlynedd diwethaf, mae Llywodraeth Cymru yn debygol o'u defnyddio i gynyddu rheoleiddio, cyfyngu ar ryddid a thanseilio cystadleurwydd economi Cymru.

Gwelliant 5 [Neil Hamilton \(Canolbarth a Gorllewin Cymru\)](#)

Ychwanegu pwynt newydd ar ddiwedd y cynnig:

Yn credu y dylid dileu'r Senedd, fel rhan o gynllun ehangach i unioni canlyniadau anfoddhaol datganoli drwy, yn benodol, ddemocrateiddio'r GIG a chreu mwy o ymreolaeth leol mewn addysg, ac wrth gadw elfennau Bil Marchnad Fewnol y Deyrnas Unedig sy'n helpu i ddychwelyd pwerau, yn briodol, o'r UE i'r DU.

Gwelliant 6 [Gareth Bennett \(Canol De Cymru\)](#)

Ychwanegu pwynt newydd ar ddiwedd y cynnig:

Yn credu na ddylai'r pwerau a gaiff eu dychwelyd gan Fil Marchnad Fewnol y Deyrnas Unedig gael eu datganoli i Gymru o ystyried sut y mae Llywodraeth

Cymru a'r Senedd wedi methu mewn perthynas â'r pwerau datganoledig presennol sydd ganddynt.

Gwelliant 7 [Gareth Bennett \(Canol De Cymru\)](#)

Ychwanegu pwynt newydd ar ddiwedd y cynnig:

Yn galw am refferendwm cyfrwymol ynghylch a ddylid cadw neu ddiddymu llywodraeth a senedd datganoledig Cymru, yn sgil amcanion arfaethedig Bil Marchnad Fewnol y Deyrnas Unedig.

Gwelliant 8 [Sian Gwenllian \(Arfon\)](#)

Yn galw ar Lywodraeth Cymru i archwilio annibyniaeth er mwyn diogelu democratiaeth yng Nghymru yn sgil Bil Marchnad Fewnol Llywodraeth y DU.

11 Cyfnod pleidleisio

Crynodeb o Bleidleisiau

12 Dadl Fer

(30 munud)

NDM7371 [David Melding \(Canol De Cymru\)](#)

Yr angen am gronfa diogelwch tân yng Nghymru i gynnig cymorth i lesddeiliaid. Cynhelir Cyfarfod Llawn nesaf y Senedd am 13.30, Dydd Mawrth, 22 Medi 2020.